

ADATOK.

A KASSAI EGYESÜLT LAKATOS, SARKANTYÚS, PANCZÉLGYÁRTÓ ÉS CSISZÁRCZÉH SZABÁLYZATA. (1461.)

Der Slosser, Sporer, pangreczer etc. artickl.

Item notandum Alz denn dy erbarn meister der hantwerk Schlosser, Sporer, pangreczer und Swertfeger in ayner czeche wezende bey diser Stadt Casscha wohnhaftig czu besserung Irer hantwerk und narung auf das daz Sy desterpas bey der Stadt uebel und gut mitleydende sich aufgehalden muegen haben Sy dy hernachgeschriben Artickl von den Ersamen Herrn des Rates mit fleissiger anlangung dieselben Artickl In (= ihnen) czu verleyen und Sy gunstiglich dabey czu behalden gebeten, dy also nachfolgen.

Czum ersten. Ab (= ob) ymand wer under In, jung oder alt, der da boeze und untvechtige arbeit machen wuerde damit man erbar lewte vor gut nicht geweren moechte, wer das erkende und bey yemaudes fuende, der soll nehmen aynen oder czwene Czechmaister czu hoelfe und mag sie aufheben. Item ain yderman der unter Czeche gewynnen wil, alz neemlich der hantwerk Schlosser, Sporer und Pangreczer, der soll sein hantwerk beweisen also, daz ain yderman seines hantwerks drey stuecke hernach aufgedruckt machen soll, dy da gut, toglick und bewert sein. Czum ersten ain yder Slosser soll machen ain toeglich gut schissende Schlos mit sechs raiffen. Item ain gut toeglich thawbenschloss, ain mit sechs raiffen und ain Behemischen Krieg, der bewert und gut sey, und daz Kayner under Im ain unbesaczt schoss machen soll. Item dy Sporer suellen machen dyn gut par gepollirter Sporn und ain gemain par raize sporen, und ain gut par pfaffen sporn gedacht. Item dy pangreczer suellen machen ain schissende gebys, das da gut toeglich und bewert, ain gut par Staigraiffen mit glocken lewben, das da gestulpt sey und ain Raize gebys mit geschelten boedmen.

Item wer diese drey stuecke yderman seynes hantwerks also nicht machen und ausberaiten kann, der soll nicht wirdig sein in das mitte Irer czechen aufzunehmen, daz ich davon den herrn des Rates, der ganczen gemayne und sunderlichen den obgeschriben hantwerken unbecwemliche hinderrede entstuende.

Item wenn ayner Maister werden wil, so sollen dy viermaister czusehen, wenn Er dy obgemelten stuecke schmiden soll. Item daz kain man derley gut, das Ir hantwerke antritt uber Sy von fremdes herfuere uber Iren willen und wo sy das vinden (= finden), daz sy mit Rechte muyen nehmen.

Item von der Swertfeger wegen. Czum ersten daz Sy nicht ueberfuret wuerden unt fremden geswertfegten geczewn, es weren Swert oder messer, wo dy begreifen moechten, daz Sy dy nehmen mit rechte, nach der Stadt gewonhait und gerechtigkeit. Item op es yndert ain Maister Ires hantwerks suliche obenberurte ware kewfen oder ynczewgen wuerde, daz Sy es demselben auch nehmen mugen mit rechte. Dieselben obgeschriben Artickl In denn durch dy obgemelten herrn des rates also mitgegeben sint, Sy stetiglich dabey czubehalden, daz Sy auch dester fleissiger an der arbeit irer hantwerk sich erczaigen und muehen, davon denn den herrn d's rates und der ganczer gemayne und auch Inselbs Ere und nutcz muege bekommen. Des czu urkund und mehr sicherhait ist das also in das Stadtpuch gezaichent. Geschen am nagsten Dinstag nach dem Suntag Oculi in der vasten (= Fasten). Nach Crists gepurt Thausent vierhundert und in dem Ainundsechzigsten Jare.

(Kassa város jegyzőkönyvében u. n. Stadtbuchjában.)

Közli *Kemény Lajos*.